



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-04-27823-31/20 ZJ
Sarajevo, 16.09.2020.g.

SKUPŠTINA KANTONA SARAJEVO
- OVDJE -
n/r Mirza Čelik, predsjedavajući

PREDMET: Dostava odgovora na zastupničku inicijativu

Zastupnica Skupštine Kantona Sarajevo Nejra Dizdarević, je na 27. Radnoj sjednici Skupštine Kantona Sarajevo, održanoj 28.07.2020. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo pokrenula slijedeću zastupničku inicijativu:

INICIJATIVA:

"Kantonalna uprava za inspeksijske poslove u odgovoru na akt broj 14-12-04-01997720 od 24.06.2020. godine u vezi postupanja u periodu epizode UZBUNA po pitanju rada ugostiteljskih objekata i korištenja čvrstih goriva navodi i sljedeće: " *Obzirom na sve naprijed navedeno i stratešku opredjeljenost KUIP KS na društvenu odgovornost, prije svega na ekonomsku, zatim pravnu i etičku odgovornost i dalje iz najboljih namjera i dugogodišnjeg iskustva, smatramo da je ovu zabranu datu pod r.br. 5. u cilju efikasnosti i ekonomičnosti, potrebno što prije jasnije precizirati, definisati, propisati, a zatim i objaviti putem sredstava javnog informisanja na način da javnost i subjekti kontole sa istim budu jasno i bez dileme pravovremeno i preventivno upoznati zato što ove mjere direktno utiču na njihov rad, zaposlenje radnika, novčani promet, javne prihode, investicije, privredni rast i razvoj ekonomije u cjelini, eventualne beneficije i sl.*"

Kao zastupnica smatram da je Ministarstvo prostornog uređenja, građenja i zaštite okoliša jasno definisalo postupanje u vezi rada i korištenja čvrstih goriva od strane ugostiteljskih objekata u periodu epizode UZBUNA, ali molim Ministarstvo prostornog uređenja, građenja i zaštite okoliša da putem TV SA, zvanične web stranice, a od skora i svog FB profila što hitnije upozna javnost i subjekte kontrole o uticaju mjera na njihov rad prije početka sezone aerozagadenja kako traži Kantonalna uprava za inspeksijske poslove.

Smatram da obustava rada na par dana kada se dešava epizoda UZBUNA kada su enormna zagadenja čvrstim česticama na području Kantona Sarajevo neće bitno uticati na poslovanje



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



subjekata kontrole , a u svakom slučaju zdravlje građana Kantona Sarajevo nema alternativu , koje još više dolazi do izražaja ako se pandemija produži na postojeću sezonu aerozagađenja , s napomenom da već imamo dvije naučne studije koje povezuju aerozagađenje sa povećanim brojem smrtnih ishoda od infekcije corona virusom od strane Univerziteta Harvard, te Univerziteta Siena i Univerziteta Arhus."

ODGOVOR:

Sastavni dio Plana interventnih mjera u slučajevima prekomjerne zagađenosti zraka u Kantonu Sarajevo ("Službene novine Kantona Sarajevo" broj 44/19) je Lista pravnih i fizičkih lica na koja se odnosi Plan, koja je objavljena na web strani Ministarstva. Pošto je propisano da se Lista redovno ažurira, ovo Ministarstvo u saradnji sa inspekcijom, općinama i Ministarstvom privrede, trenutno priprema inoviranu Listu, koja će biti blagovremeno prezentirana. Takođe, u toku je priprema projekta saradnje sa Uredom Evropske unije u BiH, kojim će se pomoći Kantonu Sarajevo u razvoju komunikacijske strategije, da bi se bolje implementirale mjere u situacijama visokog zagađenja zraka. U tom smislu utvrđeno je da se pripreme upute o ponašanju građana, a i ostalih subjekata kad je potrebno poduzeti određene intervencije.

S druge strane, a s obzirom da ugostiteljski objekti poput ćevabdžinica, pekara, picerija, koriste velike količine čvrstog goriva i imaju značajan uticaj na kvalitet zraka, kroz izmjene i dopune Odluke o zaštiti i poboljšanju kvaliteta zraka u Kantonu Sarajevo, definisaće se obaveza ugradnje sistema za prečišćavanje i eliminacije prašine, koja se emituje kao produkt sagorijevanja. Obaveza će se odnositi i na nove i na postojeće objekte, a njenom realizacijom trebalo bi se znatno ograničiti emisija iz ovog izvora. Navedena Odluka će biti uskoro dostavljena Vladi i Skupštini KS na razmatranje i usvajanje.

Inače, poduzimanje mjera prema Planu za posebne situacije je nepopularno i nailazi na otpor većine odgovornih pravnih i fizičkih lica.

Međutim, slažemo se sa obrazloženjem inicijative da zdravlje građana nema alternativu, tako da se mora osigurati bolja provodivost mjera. S tim u vezi ovo Ministarstvo je, na osnovu iskustva iz prethodnog perioda, iniciralo prema Kantonalnoj upravi civilne zaštite da razmotri prijedlog da se epizoda Uzbune iz Plana interventnih mjera, shodno Zakonu o zaštiti i spašavanju ljudi, materijalnih dobara od prirodnih i drugih nesreća ("Službene novine Federacije BiH" br. 39/03, 22/06 i 43/10) tretira kao prirodna i ekološka nesreća, čime bi se povećala efikasnost primjene mjera, omogućilo korištenje djelotvornijih mehanizama i iskorištavanje resursa. Iako inicijativa nije naišla na odobravanje, smatramo da postoje pravne mogućnosti da se ista dodatno razmotri.

MINISTAR

Faruk Kapidžić, dipl.ing.arh.

Dostaviti:

- Predsjedavajućem Skupštine
- Služba za skupštinske poslove
- Sekretar Vlade Kantona
- Arhiva



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1

